



UNIVERSITÄTS-
BIBLIOTHEK
PADERBORN

Universitätsbibliothek Paderborn

Margarita Evangelica

Essche, Nicolas van

Coloniae, 1545

nonus est simplicitas cogitationum. 31

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

MARGARITAE EVANG.

Introducti & viam hanc edocti sunt, qui tamen a creata luce subtiliter hinc educuntur, eo quod intellectus eorum multum habet intellectualis obiecti per modum scripturarum, per quas inordinate ab unitate in multipliciter euocatur et abducitur. Et tunc eis fundus iste occultatur, & occluditur, & ipsi pauperes ac desolati efficiuntur. Ideoque verus Dei amator summopere cauere debet, ne creati luminis argumentationibus respondeat, magis autem increata lucem sequatur, & unico vni (in quo omne bonum & vita consistit aeterna) respondere curet. Denique homines illi in hoc gradu constituti, tam in suo fundo sunt copiose illustrati, ut per eorum deformem lumen, quo per aeternam sapientiam sunt clarificati, cuncta eis irradiet, suscipiunturque in octauum Cherubicum chorum per Christum Iesum dominum nostrum, qui lumen increatum clarissime contuebatur, & hanc viam aptissime docebat, cum diceret: Ego sum via, veritas & vita. Qui sequitur me, non ambulat in tenebris. Qui per me ambulat, non errabit. Qui mihi credit, non decipietur. Qui mihi adheret, vna mecum lux efficietur. Custodiunt autem beatissimi Cherubin homines istos in simplicitate, obtinentque eis meritis ac precibus suis claram Dei & superiorum cognitionem, diuinam sapientiam, et veram discretionem, tam erga se, quam circa quolibet alios: habebuntque hic isti plus gaudij, quam omnes alij infra constituti.

De nono gradu, qui est simplicitas cogitationum. Cap. XXXI.

Nonum gradum, per quem in eiusdem numeri Seraphicum ordinem ascenditur, illi tenent,

LIBER II.

tenent, qui suas in Deo cogitationes stabiliunt,
 & cū intimis cogitationibus suis adeo in Deum
 sunt immerfi & absorpti, vt spiritus eorū iugi-
 ter inclinet & aspiciat in suam originem, mane-
 atq; continue apud Deum in ipsius præsentia,
 vbi semper æternitati respondet, & in suo prin-
 cipio moratur. Hic prorsus nihil est, nisi simpli-
 citas & vnio diuina, vbi cogitatio cum beatissi-
 mis Seraphin ardet & flammescit ignito amo-
 re, memoria ab omnibus phantasijis & inferiori-
 bus rebus libera, exoccupata & quieta existit,
 vt cogitatio simplex est, & in puram illam lu-
 cem subleuata. Et hic loquitur animæ Deus: E-
 go ostendam tibi omne bonum, hoc est, meip-
 sum, daboque tibi quandam mei cognitionem.
 Cum em̄ amorosissimo liberalissimoque cœle-
 sti patri cū spiritus immanione inhæremus, tūc
 ipse lucem quandam incomprehensibilis clari-
 tatis in intimum nudæ animæ a se descendere
 facit: quæ lux est lucidum quoddam medium in-
 ter Deum, & amantem spiritum. Simplex vero
 & munda cogitatio, est viuum quoddam specu-
 lum sine macula, in quod lux ista sine reuerbera-
 tione irradiat, exigens a nobis similitudinem, et
 cum Deo vnionem. Et hic plenitudo gratiæ in-
 essentialē spiritus vnitatē effunditur, per quam
 superessentialis, spiritualis & actiua vita exor-
 natur ac nobilitatur, facitque hominem in om-
 ni gratia aptum, vnumque cum Deo. Et in isto
 possidet homo supernaturalem quandam spiri-
 tus vnitatem, velut proprium habitaculum su-
 um, quæ vnitas sese inclinat in diuinam essenti-
 am, vsque ad supremam illam vnitatem, in qua
 pater, filius & spiritus sanctus vnum sunt in di-
 uinæ

R uinæ

MARGARITAE EVANG.

diuinae essentiae simplicitate, in ista videlicet oc-
 culta vnitate, in qua insuper anima semper re-
 nouatur, in diuina generatione, in quodam
 (Nunc) sempiterno, & diuinum verbum in ani-
 ma continue profertur, quae etiam cum Dei fi-
 lio generatur, in quo omnes diuitiae, deliciae,
 cognitio Dei, & quicquid delectabile esse po-
 test, sine modo possidetur in ista incomprehen-
 sibili habitatione, quae est arx firmissime conclu-
 sa, in qua Deus ipse inhabitat. ¶ Et hic coele-
 stis pater supra modum cum istiusmodi homi-
 ne laetatur, per amorem illum, quo vnicum fi-
 lium suum diligebat, loquiturque in animam
 ipsius: Filius meus es tu, ego hodie genui te.
 Hoc est, nunc & in perpetuum filius meus me-
 cumque eris. Et ego lumen vultus mei super te
 illustrabo, & verbum meum sempiternum in
 te generabo, teque circumplectens vniam in a-
 more meo, vt quemadmodum nos tres vni in
 diuina essentia sumus, sic & tu habites in me,
 & ego in te in intimo spiritus tui, illicque cum
 diuina natura mea habitabo in humana natura
 tua, & transformabo te in claritatem meam,
 eroque tecum & ambulabo, quia filius meus di-
 lectus es tu, in quo mihi bene complacui. Et
 alij te audient & sequentur. Et ego, inquit fili-
 us, meam in te natiuitatem, vitam, passionem,
 mortem & resurrectionem inuocabo, & me ip-
 sum tam tibi, quam alijs omnibus tecum in
 vitae tuae conformitate, in spiritus vnitae exi-
 stentibus manifestabo, faciamque vos omnes
 gaudere in iucunda resurrectione & nouitate vi-
 ta. Propterea siquidem vita mea doloribus ple-
 na fuit, quatenus vita vestra gaudio abundaret.

Verum

LIBER II

Veruntamen, in mundo pressuram habebitis, in me vero gaudium. Manete ergo in me, & tale solatium & pacem habebitis, quæ nemo tollet a vobis: gaudium in spiritu, pacem in anima, & delectationem in corpore: per quæ gaudio spiritui sanctissimæ animæ & purissimo ac patientissimo corpori meo conformabimini.

¶ Veruntamen licet homines istiusmodi tantis abundant gaudijs, tamque vniti sint Deo, nō tamen magnarum sunt passionum expertes: quippe quorum tanto est pœna acerbior, quanto cognitio & amor sublimior. Crucem autem istam in anima sua ex proximorum compassione præ amore portant. Et quāto gaudium & amor Dei in ipsorum spiritu magis abundant, tanto etiam dolor in anima & ex amore erga oēs homines compassio in corde maiores sunt. Habent itaque semper gaudiosum ac eleuatū spiritum, animam amore crucifixam, cor compassione repletum, & corpus puritate ac patientia decoratum: & in hoc Christum dominum ac redemptorem suum imitantur. Ideoq; in supremum Seraphicorum spirituum ordinem admittuntur, per Christum Iesum dominum nostrum, qui perfecte vnitus in cogitationibus, mente subleuatus & amore erat æstuans, tam erga patrem suum, quam homines vniuersos. Custodiunt aut bea- tissimi spiritus isti homines huiusmodi in puritate cogitationum, & spiritus libertate, obtinent que eis amorem diuinum, faciuntq; eos Dei & proximi charitate flagrare. Et hic plus gaudiij habebunt isti, quam omnes alij ordinum inferiorum.

R ij Qua